



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm II. Scripta.

---

[urn:nbn:de:hbz:466:1-62587](#)

ut exordium fiat per invocationem nominis domini; ponatur incarnationis Christi annus, mensis, dies, indictio. item nomen, & annus regnantis principis, locus, in quo res acta est, videlicet contraetus emptionis, vel donatio facta inter partes per expressum consensum, vel debiti solutio facta per realem pecuniae numerationem coram Notario, & testibus, ut Notarius nomen suum exprimat, & quod rogatus fuerit ab eo, vel iis, ex quorum consensu actus dependet; quod etiam testes minimum duo vocati ac praesentes fuerint actui, quorum nomina instrumento inseri debent; subscriptio tamen eorum non requiritur, sicuti nec partium contrahentium, siue eorum, inter quos res gesta est. Præterea scriptura coram partibus legi debet, atque solenne Notarii signum apponi, non quod haec omnia ad substantiam scripturæ publicæ requirantur secundum rigorem, sed quod omnia per consuetudinem adhiberi soleant, ut si aliquid prætermittatur, suspicio fraudis inde ori possit.

3 Insuper scriptura publica appellari quandoque solet, quæ apud acta publica judicij confecta est, est autem communis scriptura publica etiam authentica seu autoritatem habens, dummodo non appareat in ea rasura vel alias defactus fraudis suspicionem generans, sed non vice versa omnis scriptura authentica publica est, ut mox apparabit, quamvis Innoc. hic n. 2. Durand. cu. sit. §. 7. latius nomen scripturæ publicæ accipiunt, ut idem sit, quod authentica.

4 Alia itaque est priuata scriptura, quæ dividitur in authenticam & non authenticam, scriptura priuata authentica est, quæ sigillo aut subscriptione eoq; recognito & approbato, vel alio legitimo modo munita est, ut fidem jure mereatur, licet publica persona non intervenerit, vii hic Abbas docet n. 2. sed & id in Germania consuetum est, ut litteræ de contraetu testantes per medium circumflexæ, incilæ, & dimidiatis partibus traditæ utrius contrahentium parti fidem faciant, si coniunctæ litteras rectas & ordinatas reddant, vulgo Spalizzette. Scriptura autem priuata non authentica est, quæ nec testiū sub-

scriptione, recognitione, aliisque argumentis sufficienter probata est, ut dicetur exp. seq.

Not. vn. Exemplum seu transcriptum nihil probat absque originali exemplari, nisi per manum Notarii, aliave sufficientia testimonia exemplo fides fiat, videri potest Durand. §. 3.

## CAPITVLVM II.

### Scripta.

#### P A R A P H R A S I S.

Si Scriptura aliqua in judicio exhibeatur per testium subscriptionem munita, qui mortui sunt, non censi debet aliquius firmitatis, nisi manu Notarii confecta sit, vel sigillum authenticum habeat, per quod probari possit.

#### S U M M A R I V M.

1. Scriptura publica seu Notarii manu confecta manet authenticæ, et si inscripti testes cum Notario mortui sint, non item priuata, nisi alio modo, scilicet per sigilla, alias testes &c. probari possit.

2. Priuata scriptura agnita probat contrahentem, non autem pro ipso vel in predictum alterius, nisi aliis adminiculis falsa sit.

Negre contra scribentem probabit, nisi causa debendi adiecta sit, v.g. ex mutuo, deposito &c.

3. Testes produci possunt ad probationem scripturae, vel in ordine ad contenta, vel ad ipsam præcisè scripturam.

Si primo modo, duo testes sufficiunt, & plenè probant. Si secundo, non satis est ut affirmant subscriptionem &c. esse Titi, sed dicere insuper debent, se presentes fuisse, cum Titius hoc scriberet &c.

4. Tria adminicula, quibus scriptura contra scribentem, si negetur, recognosci, & probari debeat aut possit.

5. An omnia tria vel duo requirantur, an versus unum sufficiat, variant D.D.

6. Placeat Authori sententia Menochij rebus arbitrio judicis esse committendam.

7. Seris

7. Scriptura priuata testium sigillo subscriptio-  
ne vel alio adminiculo non suffulta, nihil  
probant. afferunt tamen aliquam coniectu-  
ram, si ab sit fraudis suspicio.
8. Maiorem illa autoritatem habet, si vetu-  
state temporis sit roborata, subscripto no-  
mine Titij v.g. & appresso sigillo.
9. Libri mercatorum probant contra scriben-  
tem, & aliqualiter etiam pro ipso.
10. Consuetudo non est improbanda, si Episco-  
pus v.g. Officiali committat sigillum, quo  
vatur in negotiis autoritate illius.
11. **N**ot. I. Inter scripturam publicam seu  
priuatam hoc discrimen est, quod illa au-  
thentica maneat, fidemq; firmiter faciat, ta-  
etsi inscripti testes, ipsaq; Notarius mortui  
sint. c. penult. hoc tit. at verò scriptura priuata  
desinit esse authentica, si testes mortui sint.  
Præterquam si alio modo videlicet per sig-  
illa, alios testes, litterarum comparatione &c.  
probari possit. Ratio discriminis est, quia in-  
strumentum manu Notarij cum debitibus so-  
lennitatibus confectum, publicam ex jure  
authoritatem habet, non item priuata scri-  
ptura.

2. Pro intellectu nota 1. nos loqui in casu  
si quis scripturam v.g. syngrapham aut apoc-  
ham neget, dicatq; esse supposititiam; tunc  
enim probari debet modo aliquo ex infra-  
ponendis; sin autem agnoscatur à scribente,  
tum alia probatione opus non est. quare  
dicunt DD. si priuata scriptura agnita sit,  
quod probet contra scribentem v.g. si Ti-  
tius chirographo seu syngraphâ confiteatur  
se debitorem Caij ex mutuo, non autem  
probet scripturā in alterius præiudicium, nisi  
aliis adminiculis fulta sit. 1. Instrum. 8. C. de  
prob. l. Publia. 25 ff. depositi, non item probet  
scriptura pro scribente, vt si in creditoris  
rationibus reperiatur, quod Caius ipsi de-  
beat 100. florenos. 1. Rationes 6. & seqq.  
C. de probat. sed neque contra ipsum scri-  
bentem scriptura probabit, nisi causa de-  
bendi adiecta sit videlicet ex mutuo, depo-  
sito &c. uti gl. docet recepta.

3. Advertendum est pro intellectu no-  
tandi, testes duplicitet produci posse ad pro-

bationem scripturæ 1. in ordine ad conten-  
ta, si deponant contractū v.g. eo modo, quo  
in scriptura narratur, celebratum esse à par-  
tibus, & hoc casu duo testes sufficiunt &c  
plene probant, vt omnes fatentur, & legi  
potest Conarruvias in pract. question. cap. 22.  
2. in ordine ad ipsam præcisè scripturam, in-  
terdū enim contrahentes nolunt suam con-  
ventionem aliis revelare, sed manu-suā, vel  
ex mandato suo scriptæ chartæ ipsi subscri-  
ptionem in præsencia testium apponunt, ple-  
rumque testes etiam subscribere jubent, &  
quandōque sigillum apponere.

3. Advertendum, in posteriore isto casu,  
vt testes censeantur recognoscere scripturā,  
subscriptionem, aut sigillum, non satis est, si  
affirmant esse hanc subscriptionē, scriptio-  
nem aut sigillum Titij contrahentis, sed di-  
cere debent se præsentes fuisse, cùm Titius  
hoc scriberet, subscriberet, aut signaret, si-  
cuti ex communi Conarr. notat loc. cit.

4. Advertendum pro intellectu primi  
notandi, tria sunt adminicula, quibus scri-  
ptura contra scribentem, si eam neget, rec-  
ognosci & probari debeat, aut possit.

1. Si testes quicunque fide digni reco-  
gnoscant scripturam, id est, testentur se præ-  
fentes fuisse, cùm pars, quæ iam negat, scri-  
beret, aut scriptio subscriberet, quod ideo  
addo, quia scribere & subscribere pro æqui-  
valentibus habentur, ita vt si pars manu suā  
scripsit instrumentum, opus non sit eiusdem  
subscriptione, vt Felin. hic notat n. 1. Me-  
noch. casu 114.

Alterum, si testes, qui ex partium volun-  
tate subscriberunt, recognoscant suam scri-  
pturam.

3. Denique, si scriptura cum eiusdem au-  
thoris confessis, vel approbatis, seu authen-  
ticiis scripturis comparata similitudinem ge-  
rat, eadēque intelligi etiam debeat de re-  
cognitione ligilli.

His positis dissentunt DD. vtrum omnia  
duo, an tria requirantur ad recognitionem,  
an verò unicum eorum sufficiat. Bart. in L.  
Admonendi. d. 1. de jure iur. Abbas hic n. 3.  
aiunt, si sola partium subscriptio, vel sola  
testium subscriptio recognoscatur, vel sola  
litte-

litterarum comparatio justificetur, fieri probationem semiplenam, non plenam; si autem duo ex his coniuncta sint, elici plenam probationem, ratio datur, quia proclive est in agnoscendâ scripturâ etiam propriâ errare propter similitudinem & imitationem, quam aliqui callide nôtrunt. aliqui verò existimant sufficere, si testes subscripti recognoscant subscriptiones. *Glos. h̄c. verb. Authentica. Couarr. cit. cap. 22. num. 4.* similiter *Mascard. conclus. 110. num. 9.* docet sufficere, si tres testes recognoscant partium subscriptionem, aut scriptioñem, cui præsentes fuerint, immò aliqui existimant duorum testium recognitionem sufficere apud *Mascard. n. 3.* neque obstat *l. Scripturas. 1. eod.* qui potiores in pignore, nam ea loquitur in casu speciali, si aliquis contra publicum instrumentum, in quo ædes v. g. hypothecæ nomine obligatae sunt, afferat priuatam scripturam, ex quâ priorem tempore hypothecam obtineat, tunc publicum instrumentum præfertur scripturæ priuatæ, nisi trium testium masculorum vitæ probatae subscriptionem habeat, quæ lex cùm exorbitans sit, non debet ad casus alios extendi, ne in hoc quidem, quòd masculi requirantur, vti *Felin. h̄c. vult. num. 4.* quanvis & in hoc *DD. dissentiant.*

7 Mihi placet sententia *Menochy cit. casu 114. n. 7.* judicis arbitrio committendum id esse, num qualitate causæ, personarum, aliisque circumstantiis diligenter perpensis, sola comparatio scriptura priuatæ, cum aliis eiusdem authoris authenticis scripturis sufficere debeat ad probationem integrum, idque colligitur ex *auth. at si contractus. C. de fide instrum.* vbi præter litterarum comparationem aliud argumentum necessarium esse dicitur, si debitum auri libram exceedat. idque propter grauitatem causæ, ergo argumento per sensum contrarium, si causa tam grauiis non sit, quandóque sufficiet sola comparatio. & idem similiter dicendum est de testium recognitione, sicut expressè docet *Bartol. cit. art. 1.* vbi denique traditam suam doctrinam restringit, judicis arbitrio rem relinquens, quando ait:

dico tamen, quòd posset esse tanta fides testium, vel tanta vis comparationis litterarum, vt ei daretur plena fides.

Addunt *Bart. & Menoch.* si testes depontant de scriptura scriptâ à Titio ipsis presentibus, sed comparatio scripturarum repugnare videatur, ad judicis arbitrium pertinere, in quam partem inclinare debeat, vel rem in dubio relinquere. Id quoque plerique monent apud *Menoch. n. 11.* si de scriptura dubitetur, num à Titio scripta sit, cogi eum posse à judice, vt litteras in chartâ efformet, quo seu certo, seu verisimiliter deprehendi queat, num eius illa scriptura sit,

Not. II. Scriptura priuata, quæ testium sigillo, subscriptione vel alio adminiculo suffulta non est, nihil probat, quamuis indicium aliquod seu coniectionem afferat, si aliunde fraudis suspicio nulla sit, ita sumitur ex *l. Instrumenta. 5. Cod. de prob.* & tradunt *DD. h̄c communiter.*

Limitari debet 1. Si scriptura, cui nomen, Titij subscriptum, vel sigillum impressum est, sit antiqua, tunc maiorem autoritatem habet, vti *Felin. h̄c. monet num. 10. Mascard. conclus. 11. n. 6.*

2. Libri mercatorum non tantum probant contra scribentes, sed æqualiter etiam boniviri arbitrio pro scribente, si in republica approbati sint, teste *Bart. in l. Admon. n. 77. Abbate h̄c. n. 9.*

Vnicum addo: consuetudinem eam im. 10 probari non posse, si Episcopus v. g. committat Officiali sigillum, quo in contractibus, aliisque negotiis autoritate illius vtratur, est enim talis Procurator ad negotia cum generali mandato constitutus.

Illud verò securum non esse putat *Innoc. h̄c. n. 4.* si chartæ vacuae dentur officiali obsignatae, vt pro occasione negoti postea formetur & scribatur contractus, aliisque dispositio, nam sigillum debet apponi ad confirmationem rei, igitur supponitur rem esse, videlicet contractum aut dispositionem, quæ confirmari debeat, quòd enim non est, non confirmatur. Potest tamen defendi consuetudo, si dicatur appo-

siti-

sitionem hanc sigillorum ad chartas vacuas aliud non significare, quam commissam generalem potestatem negotium unum vel plura nomine alterius gerendi, dummodò tales cause sint, ut per alium expediri possint, id tamen omnino cavendum, ne officialis diem & locum alibi scribat in charta, perinde ac si scriptura facta esset tempore & loco appositi sigilli, haec enim est falsitas.

## CAPITULUM III.

## Ex litteris.

## PARAPHRASIS.

Causam, quæ inter A. & R. vertebatur, Alexander III. judicibus delegauerat, coram his comparens R. petiit sibi rescriptum commissionis Apostolicæ exhiberi, quod cum inspexisset, volebat falsitatis arguere propter rasuram, quæ in narratione facti apparebat; ad haec responderet Papa propter eam rasuram litteras falsas, aut suspectas centeri non posse, cum & litteræ priuilegiorum in nominibus possessionum quandoque radantur, & litteræ, si in facti narratione erratum sit, indubitate corrigi possint per rasuram.

## SUMMARIUM.

1. Rasura non vitiat rescriptum, priuilegium aut instrumentum, si sit in loco non substantiali, seu non suspecto: & quis dicitur locus non substantialis, & non suspectus.
2. Subiunguntur aliquor limitationes.
3. Rasura in rescripto ad lites minus suspecta est, quam in rescripto gratia seu priuilegio.
4. Errorem scriptoris in rescripto vel Instrumento impetrans corrigerem non potest.

**N**O. I. Rasura non vitiat rescriptum, priuilegium, aut instrumentum, si sit in loco substantiali seu non suspecto. ita sumitur ex hoc capitulo, & docet glossarecepta in cap. Cum olim. 14. verb. Rasuras de priuilegiis. Dicitur autem locus non substantialis & non suspectus, quando sine eo intelligitur & subsistit res, quæ rescripto privilegio aut instrumento intenditur. Hinc autem regulam oppositam inferre debemus, quod rasura in loco scripturæ substanciali seu suspecto vitiat scripturam, priuilegium, instrumentum, vti habetur in c. Venerabilis. 4. iuncta gl. verb. Propter. & l. vlt. vbi Bart. & alij.

Limit. 1. Si ex antecedentibus & consequentibus appareat, ita legendum esse, si cuti rasura, aut vox superscripta indicat, tunc presumitur scriptorem correxisse etrem suum; vti docet gl. fin. in cit. cap. Venerabilis. *Mascard. conclus. 1254.n.19.*

Admonent verò DD. si Notarius in instrumento quidpiam rasit, aut verbum super lineam, vel ad marginem adscripsit, vt de eo mentionem faciat ad finem instrumenti, si sit mutatio substancialis, ne aliquo existimetur mutationem ab alio factam esse, vel ab ipso Notario post absolvitam confectionem instrumenti, ita *Abbas. b. n. 3. Mascard. n. 27.*

Limit. 2. Si rescriptum, aut priuilegium continet plura capitula non connexa, rasura substancialis facta in uno capitulo, alia capitula, si suspicione falsi careant, vitiare non debet, teste *Abbate hic vers. ult. Quero. Felin. num. 15. argum. I. Proximo ff. de his, qua in testamento delentur. nam vtile per inutile vitiare non debet, reg. 37. in 6. Alia ratio est de teste, cuius si unum dictum falsitatis arguatur, etiam alia eius dicta infirma carentur; ed quod sunt profeta à periuro.*

Limit. 3. Si instrumentum penes adversarium fuerit, &c., cum illud exhibere jubetur, rasum appareat; presumitur ab eo, penes quem fuit, vitiatum, vti docet *Mascard. num. 17. opus tamen hic est judicis arbitrio.*

4. Si per alias scripturas authenticas pars rasa instrumenti intelligi, eiusque versus & originalis sensus deprehendi possit, vti docet *Abbas. b. n. 4. Mascard. n. 21. Felin. num. 14.*

5. Rasura, vel inductio non obstat in loco